

Museo Arqueologico Aruba ta den pleno preparacion pa nan edificio nobo

Grupo di diseñadornan a presenta nan prome concepto pa e sala di exposicion

STA. CRUZ -- Den e siman di dia 11 te cu 15 di Juni, e expertonan di 'Lord Cultural Resources' tabata na Aruba den cuadro di e proyecto di restauracion y construccion na e compleho di edificionan historico na Schelpstraat pa ubica Museo Arqueologico Aruba. E compania aki a bin pa continua cu e diseño di e sala di exposicion nobo di Museo Arqueologico Aruba. Nan a presenta un prome concepto na e

Policy" den cual a duna paar di tip valioso con pa mancha y protege e coleccionnan mihor. Den e otro seminario titula "Educational / Family Programming" a enfoca con por haci un exposicion apropiada pa mucha y famianan. A conclui cu Museonan mester ta un fuente di informacion cu por ser usa pa educacion continuo di tur hende. Por ultimo e grupo di diseñadornan a haya un presentacion di Juffrouw Jade



personal di museo y tambe na un grupo di 'stakeholders' pa asina nan haya un reaccion tocante e concepto aki. Den pasado e grupo di stakeholdersnan aki a yega di colabora caba cu e proyecto door di a duna informacionnan valioso pa asina nos por yega na haya un museo na unda un y tur por disfruta y siña. Den e mesun siman aki e grupo di diseñadornan a presenta dos seminario. Na e seminarionan a participa Museo Historico, Museo Numismatico, Biblioteca Nacional Aruba y tambe Archivo Nacional Aruba. Un seminario titula "Collections Management Training" a enfoca riba locual ta ser considera un coleccion y con pa registra y warda e artefactonan na un manera mas practico y eficiente. Na final a toca e tema di "Collections Management

Padron. Jade ta un alumno di segundo año di IPA y den cuadro di su estudio a haci un investigacion pa Museo Arqueologico Aruba. E investigacion ta consisti di un presentacion pa un grupo di 120 mucha di 4de y 5de klas na school basico. Den e proyecto aki Jade a haci introduccion unda e ta splica e muchanan di e proyecto y edificio nobo di Museo. Despues e muchanan a haya oportunidad pa delibera hunto y presenta kico nan lo ta desea di mira y siña for di e sala di exposicion nobo di museo.

E diseñadornan a tuma nota di e presentacion y e comentarionan di e alumnonan pa asina traha riba un Museo cu por ser disfruta pa un y tur. E diseño di e sala di exposicion nobo di Museo Arqueologico Aruba ta ser financia pa UNOCA.

